



**Naustdal-Gjengedal
verneområdestyre**

Postadresse
Naustdal-Gjengedal
verneområdestyre
Njøsavegen 2
6863 Leikanger

Besøksadresse
Sandane Næringsshage
Sandane Senter, 3. etasje
6823 Sandane

Kontakt
Sentralbord: +47 57 64 30 00
Direkte: +47 5764 3138
sfvlpost@statsforvalteren.no
fmvlpost@fylkesmannen.no
www.nasjonalparkstyre.no/Naustdal-
Gjengedal

Rådgevande utval for Naustdal-Gjengedal LVO

Sakshandsamar Alf Erik Røyrvik

Vår ref. 2019/19446-0 432.2

Dykkar ref.

Dato 31.10.2022

Naustdal-Gjengedal landskapsvernområde - Referat etter møte i Rådgevande utval 07.10.22

Fredag 7.okotber 2022, Skei hotell, Jølster, kl 13.00 – 15.30

Desse møtte:

Normund Svoen – grunneigarrepresentant Naustdal
Anne Marie Mjellem – grunneigarrepresentant Hyen
Jan Ove Kornberg – grunneigarrepresentant Sørstranda
Erik Solheim – Naturvernforbundet
Øyvind Hegrenes – grunneigarrepresentant Angedalen
Inge Erikstad – grunneigarrepresentant Jølster
Kjell Arne Hjellbrekke – Indre Sunnfjord turlag
Marius Dalin – verneområdestyret
Rune Holen – naturoppsyn
Alf Erik Røyrvik – verneområdeforvaltar (referent)

Saker:

1. Opning av møtet

Marius Dalin opna møtet.
Vi hadde ei kort presentasjonsrunde av møtedeltakarane.

2. Forvaltning og saker i 2022

Verneområdeforvaltar Alf Erik Røyrvik gjekk gjennom dei sakene som har vore handsama og anna arbeid som forvaltninga har jobba med i 2022. Det vart og synt bilete frå byggearbeid som har fått løyve tidlegare år og som no er ferdig. Sjå vedlegg

Det kom ein del spørsmål og innspel til det som vart gjennomgått. Spørsmåla vart svart ut etter kvart. Innspela er ført opp under sak 5 i referatet.



3. Revidering av forvaltningsplan

AER orienterte om arbeidet med revidering av forvaltningsplanen, status på arbeidet per i dag, prosessen vidare og kva rolle utvalet har i dette arbeidet.

4. Gjennomførte tiltak i 2022

AER orienterte om tildelte tiltaksmidlar, kva tiltak som det er sett av midlar til i år, og status på desse tiltaka. Sjå oversikt i vedlegg.

5. Innspel frå utvalet til forvaltning og styre

- I byggesaker bør det vere eit visst fokus på overflatebehandling. Tradisjonelt sett vart det ikkje (i alle fall ikkje på alle alle) brukt måling eller beis på bygningar i fjell og utmark. Dersom bygningar skal bahandlast med noko bør det vere mest muleg tradisjonelle middel og fargar.
- Ved tilrettelegging av stiar bør ein vurdere fleire metodar. Både med tanke på kva som er eignar seg i ulike typar terreng og for variasjonen sin del. Enkelte stader kan steinheller erstatte trekloppar til dømes.
- Det bør leggst meir ressursar i kartlegging og eventuelt kultivering av fiskeressursane i og rundt verneområdet.
- Det bør ikkje no lenger vere behov for fleire tunge tilretteleggingstiltak i verneområdet.
- Ordninga som Øvre Naustdal Utmarkslag har for transport til hyttar og stølar, der utmarkslaget disponerer eit visst antal turar med snøskuter kvart år, fungerer godt og bør halde fram.
- Det er eit generelt godt samarbeid mellom grunneigarar, brukarar og den offentlege forvaltninga i verneområdet.
- Enkelte har fått kommentarar på at stiar som er utbeta og tilrettelagde med til dømes kloppar, ikkje er tilpassa rullestolar. Utvalet er samstemte i at det ikkje er realistisk å legga ein stor del av stiane i verneområdet til rette for rullestolar.



- Motorferdsel i samband med tv- og filmproduksjon
 - Det må vere lik behandling av denne typen interesser og andre interesser i verneområdet
 - Det må takast omsyn til villrein
 - Forvaltninga bør vere restriktive med denne typer saker i samband med reklame og liknande.
- Det er sær s viktig å legge til rette for beite i verneområdet. Kan forvaltninga gje støtte til bruk av NoFence?
- Vi har hatt nokre mindre prosjekt/tiltak som skal løfte fram historie frå verneområdet. Dette er gode og populære tiltak som vi bør ha fleire av.

6. Innspel om tiltak i 2023

- Det er positivt med skjøtsel i kulturlandskapet i og rundt verneområdet.
- Det er viktig å halde fram og helst auke fokus på den trusselen som spreining av gran utgjør for verneområdet. Det bør fokuserast på både uttak av større plantefelt i verneområdet og rett utanfor grensa. I tillegg må det vere fokus på å ta ut mindre førekomstane og småplantar som har frøa seg sjølv.
- Det må vere særleg fokus på dei granene som sprer frø innover i verneområdet.
- Særleg er det mykje gran i Angedalen som forvaltninga bør sjå på å gjere noko med.
- Det bør brukast meir midlar på skjøtsel og mindre på tilrettelegging, no som dei store tilretteleggingsprosjekta i besøksstrategien er ferdige.



7. Ymse

Møtetidspunkt vart diskutert. Denne gongen vart møtet lagt til dagtid og på ein fredag. Særleg det med dagtid fører til utfordringar for ein del som sit i utvalet på fritida. Det at det er fredag ettermiddag er heller ikkje heilt heldig. (Det er fleire årsaker til at det vart slik i år, vanskeleg å finne eit ideelt tidspunkt).

Det vil alltid vere slik at nokon vil føretrekke møte på dagtid og nokon på kveldstid. Ein har både arbeidstid og gjerne fjøstider å ta omsyn til. Men uansett kan ein gjerne sjekke litt med utvalet på førehand kortid det passar best å ta møtet.

Utvalet er framleis samstemte i at Skei er den mest praktiske staden å ha møte.

Med helsing

Alf Erik Røyrvik
Verneområdeforvaltar og referent

Dokumentet er elektronisk godkjent